

SIARAN MEDIA

PKB BANTU PELAJAR MELALUI PROGRAM MENU RAHMAH

5 Mac 2023, Politeknik Kota Bharu : Mengambil cakna akan kebajikan para pelajar di kampus, Politeknik Kota Bharu telah melancarkan Program Menu Rahmah di semua kafetaria di dalam Kawasan kampus bermula 26 Februari 2023.

Menurut Sr Haji Mohd Fikri bin Ismail, Pengarah Politeknik Kota Bharu, program ini dilancarkan selaras dengan pengumuman rasmi yang telah dibuat oleh Menteri Perdagangan Dalam Negeri dan Kos Sara Hidup (KPDN), YB Datuk Seri Salahuddin Bin Ayub pada 31 Januari 2023. Diikuti dengan saranan oleh YB Datuk Seri Mohamed Khaled Nordin, Menteri Pendidikan Tinggi pada 6 Februari 2023 agar program Menu Rahmah ini dijayakan oleh semua IPTA dan IPTS dengan memperkenalkan menu – menu yang bersesuaian bagi membantu meringankan beban kumpulan sasar termasuk golongan pelajar daripada keluarga B40.

Beliau juga berkata program ini adalah Langkah terbaik sejajar dengan saranan KPT yang ingin memberi bantuan kepada pelajar bagi meringankan beban terhadap kesan peningkatan harga barang ekoran daripada keadaan ekonomi buat masa ini. Pengurusan PKB melalui kerjasama semua pengusaha kafetaria menyahut saranan ini dan memperkenalkan set makanan lengkap dengan harga lebih murah berbanding di restoran atau kedai di luar kampus. Selain daripada itu juga menu yang disediakan harus lah lengkap dan berkhasiat.

Beliau juga berkata Program Menu Rahmah ini diharap dapat memberi manfaat kepada pelajar di PKB dan mengharapkan semoga melalui program ini ianya dapat menjaga kebajikan pelajar dan meringankan beban perbelanjaan harian pelajar.

Program Menu Rahmah ini menyediakan set menu makanan lengkap yang terdiri daripada nasi (karbohidrat), protein(ikan, ayam, daging atau telur) bersama – sama sayur – sayuran dan juga lengkap dengan air. Antara pakej menu Rahmah yang disediakan di kafetaria PKB adalah Nasi Lemak Ayam Goreng, Nasi Kerabu Ayam Bakar dan Nasi Hujan Panas.

Menurut Anis yang merupakan seorang pelajar PKB daripada Jabatan Perdagangan berkata program ini menyediakan makanan dengan harga yang sangat berpatutan iaitu lengkap nasi, lauk dan termasuk air yang mana amat sesuai untuk beliau selaku seorang pelajar.

Disediakan oleh :

Unit komunikasi dan Hubungan Korporat

POLITEKNIK KOTA BHARU

25 Ogos 2022